





SIKU
ERNGUP INUA

**IMEQ NAASUNUT
IMAA NILU UUMASUNUT
UUMATITSISUUVOQ.
ERNGUP INUATA IMAQ,
KUUIT TATSILLU
MINGUTSINNE-
QANNGINNISSAAT
SORSUUTIGAA.**

**QUPPNERIT TULLIINI SIKU PILLUGU
OQALUTTUAQ TUSASSAVAT - TUSARNAARLUASSAVAT,
IMAA NI UUMASORPASSUIT IKIORTARPAI,
TAAMAALILLUTIK EQQAKKAT INUIT IMAANUT
IGITTAGAAT TOQQUTIGISSANNGIMMASIGIT.**





SIKU, ERNGUP INUA

Ullut ilaanni Siku iterlannguarmiippoq nipaannera eqqis-sisimanarneralu iluarusuutigalugit. Siku puisitut sukka-tigisumik naluttarpoq aammalu tututut sukkatigaluni arpattarluni, taamaattumik nunamiinneq immamiinnerlu nuannaralugit. Ulloq taanna alianaalleruttortoq sineris-sami kangerlunnguamiippoq nuannisararluni. Ulloq taanna sussanerluni pilersaarusiorpallaarsimangilaq, kisianni silagippoq eqqarsarporlu ulloq nuannersuujumaartoq.

Imaq nillataarpoq unerisimallunilu, aammalu kangerlum-mi anori assarnanngualaaginnartarluni. Tassani Siku aala-jangerpoq sumiiffimmi nalorusaalaarniarluni, imaaniittut uumasut naasullu ajunnginersut takuniarlugit. Kanger-lunnguani taamungaannaq nalorusaalaarpoq. Saarullik, suluppaagaq aammalu natseq oqaloqatigai aammalu qeqquaartoq siuteroqartorlu malugalugu. Suut tamar-mik ajunngitsutut isikkoqarput aammalu Siku nuannaar-poq. Isumaqarpoq ulloq taanna imaq kusanartoq, aamma-lu Kalaallit Nunaata imartaanniilluni nuannarilluinnarpaa.

Seqinnisaalaarniarluni immap qaavanut nuiartorpoq. Nui-gami naajarpasut nilliasut tusaasinnaavai, paasinngilaa sooq, taamaattumillu qinilerluni. Sikumernit, qaqqat, qeq-qussat aammalu aalisariut ataaseq takusinnaavai. Eqqar-sarpoq immaqa aalisartoqarnera pissutigalugu naajat nilli-asut, tassami aalisartup aalisakkat pisani erlaviiarlugit salikkaangagit aqqarlutik sinnikutorneq nuannarilluinnar-tarpat.



Taamaakkaluartoq Sikup naajat nillianerat tusarnaqqis-saalerpai, isumaqarporlu nuannisarpassinnginnerullutik ersisutut nipeqarnerusut. Aqqalaarpoq sukkasuumillu qum-muinnaq nalulluni, taamaallilluni aarluarsuttuut silaannar-mut pississinnaaniassagami. Taamaalinermini takusinnaa-vaa aamma aalisartoq aarleqquteqartutut isikkoqartoq.

Aalisartup qassutit qaqeqqammisani tigummivai. Uulia-mik qernertumik ulikkaarput, aammalu aalisakkat qassu-tiniittut aamma uuliartermallutik. Aalisartoq aliatsassi-masutut isikkoqarpoq, aammalu immap inuata takusin-naavaa uulia umiatsiaaneersuunngilluinnartoq, tassalu allaminngaaneersimassaaq.

Siku ernumatsattorujussuanngorpoq. Imaaniittoq uulia aalisakkanut, uumasunut timmissanullu navianartorujus-suuvoq. Taakkua uuliaannanngorsinnaapput nalunniarne-rat, timminiarnerat anersaartorniarneralu ajornakusuu-lerluni. Siku aalisartup umiatsiaa kaavillugu sukkasuumik nalulluni aallartippoq uulia suminngaaneersuotoq taku-niarlugu. Nammineq uuliaannanngunnginnissani sianigi-sorujussuuaa.

Arriitsumik Sikup paasiartulerpaa uulia kitaaninggaan-neersuotoq. Kimmuinnaq immami ungasinnerulaartumi im-map qaava uuliaterneqarsimasuotoq takusinnaavaa. Aalisar-toq, umiatsiami saniatigut inua tassanngaannaq nuisoq tupattorujussuusoq, nalulluni uterfigaa, kisianni aalisartup takusinnaavaa Siku inussiarnersuusoq ikiuunniartorlu. Siku oqarpoq aalisartoq raatiukkat kalerrisaarissasuotoq immami uuliaqartoq oqaatigalugu. Aalisartoq taamaaliorumavoq.

Siku aalisartoq inuullaqquaa aammalu uulia suminngaaneersuotoq paasiniarniarlugu kimmuinnaq nalulluni aal-larluni. Paasisimaarinniinnarniarluni aammalu uuliamik takusaqarniarluni immap iluani 50 meterisut itissusilimmi arriitsumik naluppoq. Minutsit qulit missaanni naloreerluni uuliaqartorujussuarmut pivooq. Sikup takusinnaavaa uulia immap naqqaneersuotoq aammalu immap iluani qaffakkia-rortoq immalu qaavaniilersimasuotoq. Taamaattumik Siku ammuinnaq immap naqqata tungaanut taartumut itisuu-mullu naluppoq. Qujanartumik Siku tappittorujussuuvoq immap iluani taartumilu takusaqarsinnaalluni, taamaalillu-ni sumiinnerluni sulerinerlunilu takusinnaallugu.



Immap naqqanut apuukkami angisuup sinarsuallillu killin-
giusaa takusinnaavaa. Ersinarpasittorujussuuvog aamma-
lu immap naqqani uumasorujussuartut kipparissutut isik-
koqarluni. Taamaattoq Sikup nalunngilaa tamaani uuma-
sorujussuaqanngitsoq aammalu qanilliertulerlugu. Maan-
nakkut takusinnaalerpaa tassaasoq aalisariut kilisaatito-
qaq immap naqqaniittoq. Aalisariut kilisaat aalisariutaa-
vog angisoorujussuaq. Tungujortuulluni, qaqortuulluni
qorsuuvog aammalu aserfallassimarpasittorujussuulluni.


Tassanngaannaq qipoqqaq piaqqanilu takkupput aam-
malu Siku ornillugu. Arfeq anaanaq arferit oqaloqati-
giinnerminni atortagaat erinarsuut tusarnersoq atorlugu
erinarsulerpoq. Qujanartumik Sikup arferit erinarsornerat
paasisinnaavaai, taamaattumillu taassuma qanoq oqar-
figineraani nalunngilaa. Arfeq anaanaq oqaluttuarpoq
ukiorpasuaruani umiarsuaq immap naqqaniissimasoq,
kisianni ullualunnguit matuma siorna umiarsuup uuliamut
tankia putusimasoq aammalu uulia anialersimasoq. Sikup
putoq aammalu uulia umiarsuarmiit aniasoq annertusiar-
tuinnartoq takusinnaavaa. Qanilliallappoq putusimaneralu
takusarlugu, taanna matusinnaanissaanut angivallaarpoq.

Siku qanoq ajortiginersoq takusinnaaniarlugu sukkasuu-
mik immap qaavanukarpoq uuliap puttallarfigisaanut
– ajortorujussuuvog, aammalu uulia timmiaqqat ineqar-
fiata tungaanut siaruariartorpoq. Uulia taakunga apuul-
luinnassappat angerlarsimaffiat aserorneqartussaavoq.
Ungasissumi umiarsuarujussuit sumiiffiup uuliaqartup
tungaaniinnag aggersut Sikup takusinnaavaai. Umiarsuit
uulia imaaniittoq peeriartorlugu ikiuukkiartortut Sikup
takusinnaavaa, taakkualu aalisartup raatiukkut kalerrisaar-
inera tusaasimassavaat. Taamaattoq sulii taakkua unga-
sissorujussuupput aammalu anngutinngitsut uulia tim-
missat ineqarfiannut eqquisussaavoq.

Siku maannakkut sukkatserujussuarluni aallarpoq aam-
malu uuliamik simernerit annertuut kaavillugit nalulluni
aallartilluni. Uuliamik simernerit maannakkut arsaattarfiit
sisamat angeqqataattut angitigilersimapput, taamaattu-
millu immap inua sulii sukkanerusumik naluttariaqarpoq.
Nalulluni sukkaangarmat tunua mallertuinnaangorpoq,
soorlu umiatsiap tunua mallileraangat taamaattartoq.
Uulia kaavillugu nalunnerani mallit uuliap timmissat ine-
qarfiata tungaanut siaruangitsoortittarpaa.

Siku umiarsuarujussuup tikiunnissaata tungaanut nalu-
naaquuttap akunnera sinnerlugu pisinnaasani tamaat na-
luppoq. Umiarsuit plastikkinik imusarujussuarnik putta-
sinnaasunik nassarput, taakkua imaanut siaarpat uulia
siaruarnaveerlugu. Timmissat maannakkut annaanneqar-
put aammalu Siku nuannaarpoq qasusorujussuullunilu.

Nalulluni sissaq qanittumiittoq ornippaa qasuseriartor-
luni. Tassanngaaniit inuit umiarsuarmiittut uulia unitsin-
niarlugu sulisut takusinnaavaai, eqqarsarlunilu inuit inua-
mit ikiorneqalaarsinnaagunik iluarsiumaaraat. Sapaatit
akunnialunnguisa qaangiunneranni uulia salinneqareer-
simavoq aammalu inuit uuliap sinnera immap naqqani
umiarsuarmiittoq imaarsarpat, taamaallilluni imaanut
aniasinnaajunnaarlugu.



NUNARSUAQ TAMAKKERLUGU ANGUNIAKKAT:



NUNARSUARMÍ ANGUNIAKKAT

NUNARSUARMÍ ANGUNIAKKAT 12 akisussaassuseqarnermut aammalu pigisatsinnik qanoq atuisarnitsinnut tunngassuteqarpoq. Assersuutigalugu avatangiisini mingutsitsinnginnissaq aammalu umiarsuarmiit aammalu uuliamut tunngatillugu pisutut atoriikkat salittarnissaat, taamaalilluni pinngortitamut tutsitsisoqartannginnissaa, tassani pineqarpoq. Pinngortitamik mingutsitsisinnaasut oqaluuserisigit aammalu Siku pinngortitami saliinermi timmissanillu annaassiniarnermi inunnut ikiuttoq pinnguaritsi.

**NUNARSUARMÍ ANGUNIAKKAT KO-
RTIT BAMSIP KARSIANIITTUT QA-
QIKKIT AAMMALU NUNARSUARMÍ
ANGUNIAGAQ MATUMA SIULIANI
TAANEQARTOQ OQALUUSERALUGU**



12 AKISUSSAASSUSE-
QARTUMIK ATUINEQ
TUNISASSIORNERLU

